



Broj: 07-07-9-55-31/2020  
Sarajevo, 06.02.2020. godine

Na osnovu člana 70. stav (1) Zakona o javnim nabavkama ("Službeni glasnik BiH", broj 39/14), a po provedenom postupku javne nabavke - Konkurentski zahtjev za nabavku tonera za potrebe Finansijsko-informatičke agencija za 2020. godinu, direktor Finansijsko-informatičke agencije donosi

**ODLUKU**  
**o izboru najpovoljnijeg ponuđača**  
**za LOT 2- toneri za štampače Lexmark**

**I**

Okvirni sporazum o nabavci tonera za potrebe Finansijsko-informatičke agencije za 2020. godinu (u daljem tekstu: Agencija), prema uslovima iz ponude broj: 10/20 od 28.01.2020. godine, dodjeljuje se najpovoljnijem ponuđaču u postupku, koji ispunjava i sve uslove iz tenderske dokumentacije, "PRINTEX" d.o.o. Sarajevo čija ukupna cijena ponude iznosi 6.165,75 KM bez PDV-a.

**II**

U skladu sa članom 98. stav (5) Zakona o javnim nabavkama ("Službeni glasnik BiH" broj 39/14) (u daljem tekstu: Zakon), ugovorni organ će zaključiti Okvirni sporazum o nabavci tonera za potrebe Finansijsko-informatičke agencije za 2020. godinu sa odabranim ponuđačem iz tačke I ove Odluke u roku od 10 dana od dana obavještanja svih učesnika u postupku o izboru najpovoljnijeg ponuđača.

Izabrani ponuđač dužan je u roku od pet (5) dana dostaviti dokaze o kvalificiranosti u skladu sa tenderskom dokumentacijom. U slučaju da odabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će biti poništena.

**III**

U prilogu ove Odluke, ponuđačima koji su učestvovali u postupku javne nabavke, dostavlja se i Zapisnik o pregledu i ocjeni ponuda broj: 07-07-9-55-23/2020 od 28.01.2020. godine, u skladu sa članom 71. stav (2) Zakona.

**IV**

Zadužuje se Sektor za pravne i zajedničke poslove, da najkasnije u roku od sedam dana od dana donošenja ove Odluke, istu dostavi svim ponuđačima koji su učestvovali u postupku javne nabavke i time ih obavijesti o rezultatima postupka.

**V**

Ova Odluka stupa na snagu danom donošenja i objavit će se na web stranici Agencije: [www.fia.ba](http://www.fia.ba), u skladu sa članom 70. stav (6) Zakona, istovremeno sa upućivanjem ponuđačima koji su učestvovali u postupku javne nabavke.

## Obrazloženje

Postupak javne nabavke tonera za potrebe Finansijsko-informatičke agencija za 2020. godinu pokrenut je Odlukom o pokretanju postupka javne nabavke broj: 07-07-9-4098-1/2019 od 10.12.2019. godine. Javna nabavka je po drugi put provedena putem konkurentskog zahtjeva za dostavu ponuda za nabavku tonera. Procijenjena vrijednost nabavke za LOT 2 iznosi: 6.215,00 KM. Obavještenje o nabavci objavljeno je na Portalu javnih nabavki dana 10.01.2020. godine pod rednim brojem: 10700-7-1-7-3-3/20, te dana 16.01.2020 godine objavljena je i Ispravka za obavještenje o nabavci broj: 10700-7-1-7-8-4/20.

Tenderska dokumentacija za nabavku tonera je objavljena na Portalu javnih nabavki, s tim da je zahtjev za dostavljanje ponuda upućen na adrese sljedećih privrednih subjekata:

1. ORSA D.O.O. SARAJEVO, Ul. Džemala Bijedić 185, Sarajevo,
2. TELNET D.O.O. SARAJEVO, Ul. Stupska 1D, Sarajevo i
3. ALLIED VTM D.O.O. SARAJEVO, Ul. Hifzi Bjelavca 34, Sarajevo.

Blagovremeno, u ostavljenom roku, ponudu su dostavili sljedeći ponuđači, prema redoslijedu dostavljanja ponuda:

1. "PLAN PLUS" D.O.O ZENICA, Ul. Dr. Hasana Muminagića 2a, Zenica;
2. "ALLIED VTM" D.O.O. SARAJEVO, Ul. Hifzi Bjelavca 34, Ilidža – Sarajevo;
3. "PRINTEX D.O.O." SARAJEVO, Hasana Sušića 9 i 11, Sarajevo i
4. "DEFTER" D.O.O. SARAJEVO, Gatačka broj 20, Sarajevo.

Komisija za nabavku tonera (u daljem tekstu: Komisija), imenovana Rješenjem direktora broj: 07-07-9-55-1/2020, izvršila je pregled i ocjenu pristiglih ponuda i utvrdila da je sljedeći ponuđač dostavio prihvatljivu ponudu, u skladu sa navodima, kriterijima i zahtjevima iz tenderske dokumentacije:

1. PRINTEX D.O.O. SARAJEVO, Hasana Sušića 9 i 11, Sarajevo.

Ponude ponuđača:

1. PLAN PLUS D.O.O. ZENICA, Ul. Dr. Hasana Muminagića 2a, Zenica;
2. ALLIED VTM D.O.O. SARAJEVO, Ul. Hifzi Bjelavca 34, Ilidža – Sarajevo i
3. DEFTER D.O.O. SARAJEVO, Gatačka broj 20, Sarajevo

Komisija je ocijenila *neprihvatljivima* iz razloga što iste nisu potpune/i ili ne ispunjavaju zahtjeve iz tenderske dokumentacije, te se iste u skladu sa članom 68. stav (4) tačka i) odbacuju iz razloga kako slijedi:

1. Ponuđač "**PLAN PLUS**" d.o.o. Zenica nije dostavio:
  - Dokaz da je distributer (Veleton d.o.o Laktaši) ovlašten za prodaju opreme i podršku u garantnom periodu, kao što je traženo tačkom 5. OCJENA PONUDA, podtačka 5. d) tenderske dokumentacije (Iz dostavljene Retech Deklaracije kvaliteta nije vidljivo da je distributer ovlašten za prodaju opreme i podršku u garantnom periodu);
  - Izjavu od kancelarije proizvođača ili distributera ovlaštenog od strane proizvođača kojom se potvrđuje da je ponuđena oprema nova i nekorištena i sa obezbjeđenim servisom na teritoriji BiH za ponuđeni Lexmark toner (Red. br. 2. Obrasca za cijenu ponude);

- Tehničku/katalošku dokumentaciju u potpunosti prevedenu na jedan od službenih jezika u Bosni i Hercegovini što je u suprotnosti sa tačkom 4. PODACI O PONUDI, podtačka 4.3 Jezik i pismo ponude za sve stavke ponuđene robe i
- Nacrt okvirnog sporazuma popunjen u skladu sa datom šemom – nije popunjena kolona "Dokaz ekvivalentnosti (Minimalan kapacitet broja stranica - za 5% ispisa)" za stavku broj 4 u članu III Nacrta okvirnog sporazuma, te također potpis i pečat ponuđača nisu stavljeni na za to predviđeno mjesto, već su stavljeni na mjesto predviđeno za potpis i pečat Ugovornog organa.

2. Ponuđač **"ALLIED VTM" d.o.o. Sarajevo** nije dostavio:

- Posebnu - odvojenu ponudu za LOT 2;
- Izjavu od kancelarije proizvođača ili distributera ovlaštenog od strane proizvođača kojom se potvrđuje da je ponuđena oprema nova i nekorištena i sa obezbjeđenim servisom na teritoriji BiH u potpunosti prevedenu na jedan od službenih jezika u Bosni i Hercegovini što je u suprotnosti sa tačkom 4. PODACI O PONUDI, podtačka 4.3 Jezik i pismo ponude;
- Obrazac za cijenu ponude posebno za LOT 2 (Aneks II) i
- Obrazac Povjerljivih informacija posebno za LOT 2- Aneks VI.

3. Ponuđač **"DEFTER" d.o.o. Sarajevo** nije dostavio:

- Izjavu od kancelarije proizvođača ili distributera ovlaštenog od strane proizvođača kojom se potvrđuje da je ponuđena oprema nova i nekorištena i sa obezbjeđenim servisom na teritoriji BiH za ponuđeni Lexmark toner (Red. br. 2. Obrasca za cijenu ponude).

Imajući u vidu da je samo jedna ponuda ocijenjena prihvatljivom, e-aukcija nije bila zakazana.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu pristiglih ponuda shodno kriterijima, odnosno zahtjevima iz tenderske dokumentacije, te da je izbor izvršen u skladu sa Zakonima i podzakonskim aktima.

Direktor Agencije je prihvatio prijedlog Komisije i uzimajući u obzir naprijed navedeno odlučio kao u dispozitivu Odluke.

**Pouka o pravnom lijeku:**

Protiv ove Odluke može se podnijeti žalba ugovornom organu, Agenciji u roku od pet dana od dana prijema iste, u pisanoj formi direktno ili preporučenom pošiljkom.

Dostaviti:

- Ponuđačima x4,
- web stranica: [www.fia.ba](http://www.fia.ba)
- Komisiji za nabavku tonera,
- ④ Sektoru za pravne i zajedničke poslove i
- Sektoru za ekonomsko-finansijske poslove.

**DIREKTOR**  
**mr.scij. Esad Mahmutović**

